



REPUBLIKA E KOSOVËS
REPUBLIKA KOSOVA
REPUBLIC OF KOSOVA
KOMUNA –DRAGASH
OPŠTINA DRAGAŠ
MUNICIPALITY OF DRAGAS



Drejtoria për Bujqësi, Pylltari, Inspeksion, Turizëm dhe Zhvillim Rural
Direktoriat za Poljoprivredu, Sumarstvo, Inspekciju, Turizam i Ruralni Razvoj

09.Nr. 320-27619/23
Dt. 09/10/2023
Dragash

Drejtoria për Bujqësi, Pylltari, Inspeksion, Turizëm dhe Zhvillim Rural, bazuar në Vendimin e kyetarit të Komunës me nr.02Nr.400/01-27411/23 të datës 05.10.2023, si dhe duke u bazuar në Rregulloren komunale nr. 01 Nr.060/01-31587/1 të datës 24.12.2019 për Kushtet, Kriteret dhe Procedurat e Ndarjes së Subvencioneve, shpall:

THIRRJE PËR APLIKIM

(Për fermerët e Komunës së Dragashit - subvencionimi i ushqimeve për kafshë, shpezë, bletë etj.)

Duke e parë situatën e shkaktuar nga kriza ekonomike, ku si pasojë kemi ngritje të çmimeve të repromaterialeve, Komuna e Dragashit, duke u bazuar në problemet e shkaktuara nga kjo krizë dhe në kërkesat e vazhdueshme të fermerëve, ka ndarë një fond për mbështetje dhe subvencionim të ushqimeve për kafshë, me qëllim të tejkalimit të situatës së pafavorshme për fermerët.

Ftohen të gjithë fermerët e Komunës së Dragashit të cilët posedojnë lopë qumështore, kafshë të imëta (dele dhe dhi), fermerët të cilët posedojnë pula dhe fëllënza vojse, si dhe bletarët, që të aplikojnë për **subvencione në ushqime - pagesa përmes subvencioneve** nga ana e Komunës.

Qëllimi

Qëllimi i kësaj thirrjeje është që t'u ndihmohet fermerëve të regjistruar në Komunën tonë për të tejkaluar problemet e shkaktuara nga kriza ekonomike.

Objektivat e thirrjes

- Zvogëlimi i shpenzimeve të prodhimit
- Rritja e të hyrave në fermë
- Përmirësimi i konkurrueshmërisë
- Rritja e redimentit dhe cilësisë së prodhimit

Shuma e subvencionit: **89,000 €** (tetëdhjetë e nëntë mijë euro)

Kushtet për aplikim:

- Të jetë fermer i regjistruar në Komunën e Dragashit (numrin e NIF-it)
- Numri i kafshëve (vërtetohet me kopjen e vërtetimit të lëshuar nga AUV, si dhe formularin e aplikimit për subvencione të MBPZHR-së për vitin 2023)
- Kafshët duhet të jenë të matrikuara dhe regjistruara në Sistemin e Identifikimit dhe të Regjistrimit të Kafshëve në AUV

Kjo skemë e subvencioneve do të mbështetë:

1. Fermerët që mbarështojnë gjedhe qumështore
2. Fermerët që mbarështojnë dele për mbarshmëri (dele qumështore)
3. Fermerët që mbarështojnë dhi për mbarshmëri (dhi qumështore)
4. Fermerët që mbarështojnë pula vojse dhe fëllënza vojse në të gjitha fazat e prodhimtarisë aktive të vezëve
5. Bletarët që posedojnë mbi 30 koshere me bletë

Kriteret që duhet t'i plotësojnë fermerët/aplikuesit:

1. Mbarështojnë së paku 5 krerë gjedhe qumështore e më shumë
2. Mbarështojnë së paku 30 krerë dele për mbarshmëri,
3. Mbarështojnë së paku 20 krerë dhi,
4. Mbarështojnë së paku 500 pula vojse
5. Mbarështojnë së paku 200 fëllënza vojse
6. Mbarështojnë së paku 30 koshere me bletë e më shumë

Të drejtë aplikimi kanë të gjithë fermerët e Komunës së Dragashit të cilët i plotësojnë kushtet dhe kriteret e parapara nga organet kompetente!

Dokumentacioni i nevojshëm:

- Fletëaplikacioni (merret në Zyrën Pritëse komunale dhe plotësohet)
- Kopja e letërnjoftimit të Republikës së Kosovës
- Konfirmimi i llogarisë bankare (llogaria bankare të jetë aktive)
- Kopja e vërtetimit dhe regjistri i lëshuar nga AUV (për lopë, dele dhe dhi qumështore), duke u bazuar në të dhënat e Sistemit të Identifikimit dhe Regjistrimit të Kafshëve në AUV
- Për pulat dhe fëllënzat vojse, kopja e dëshmisë nga veterinari për aplikimin e Programit të Vaksinimit të tufës
- Për bletët, kopja e vërtetimit të numrit të bletëve, të lëshuar nga Drejtoria për Bujqësi
- Vërtetimi mbi tatimin në pronë
- Aplikuesit për subvencionim të deleve duhet të sjellin vërtetimin e vaksinimit të qenve kundër sëmundjes së Tërbimit (Rabies)

Përfituesit e subvencioneve obligohen që të dëshmojnë shpenzimet e kryera me fatura të rregullta (aplikantët duhet t'i dorëzojnë faturat e rregullta me rastin e aplikimit)!

Fatura e rregullt duhet të dëshmojë blerjen e ushqimeve të koncentruara për kafshë (për bletët, ushqime dhe medikamente për trajtim). Vlera e faturës llogaritet në bazë të numrit të krerëve, shumëzuar me vlerën e caktuar për krerë!

Dokumetet duhet të protokolohen në Zyrën e Pranimit, drejtuar Drejtoratit për BPITZHR!

Mënyra e subvencionimit

Subvencionimi do të bëhet për krerë:

- Gjedhe qumështore në vlerë prej 30 euro
- Dele dhe dhi qumështore në vlerë prej 3 euro
- Pula vojse në vlerë prej 0.20 euro
- Fëllënza vojse në vlerë prej 0.30 euro, dhe
- Bletët nga 2 euro për koshere

Fermerët duhet të pajisen më faturë të rregullt për blerjen e ushqimit të koncentruar apo drithërave, ndërsa për bletët, ushqime dhe medikamente për trajtim sipas vlerës së llogaritur për krerë!

Kohëzgjatja e aplikimit:

Aplikimi fillon nga data 10.10.2023 deri më 20.10.2023.

Vërejtje:

Do të përkrahen fermerët sipas aplikacioneve që kanë aplikuar për pagesa direkte të MBPZHR-së për vitin 2023 dhe sipas numrit të krerëve të deklaruara!

Vlerësimi dhe kontrolli:

Vlerësimi dhe kontrolli do të bëhen nga Komisioni Komunal.

Drejtori
Erdjan Limance
